

Larian Eco Campus UMS-Carino Pang, Salesnella muncul juara

Oleh **DESMOND QWEK**

KOTA KINABALU: Atlet negeri Pang Tsun Kuo dan Salesnella Gabi masing-masing menjuarai kategori Terbuka Lelaki dan Wanita pada Larian Eco Campus UMS-Carino 2014 yang bermula dan tamat di Stadium UMS pada Ahad.

Larian sejauh 7 kilometer (km) bersempena Ulangtahun Ke-20 institut pengajian tinggi awam itu dilepaskan oleh Naib Canselor UMS; Prof. Datuk Dr. Mohd Harun Abdullah.

Pang tidak menghadapi sebarang masalah untuk menewaskan pelari-pelari handalan negeri yang lain yang menyaksikan tempat kedua hingga kelima masing-masing disandang oleh Walter Herman, Imaldy Zakin, Shyaldi Suhimi dan Sapirin Sumping.

Selaku juara, Pang menerima wang tunai bernilai RM1,000 manakala empat pemenang seterusnya masing-masing

menerima RM500, RM300, RM200 dan RM100 selain medal dan sijil.

Untuk kategori terbuka empat pemenang seterusnya yang mana masing-masing disandang oleh Mailin Sakungin, Chong Vun Lung, Josephine Yaban dan Chiah Bee Khoon.

Lima peserta terpentas kategori itu masing-masing menerima RM500, RM300, RM200, RM100 dan RM80 selain medal dan sijil.

Untuk kategori Veteran Lelaki, lima kedudukan terbaik masing-masing disandang oleh Suhaipin Surin, Madamin Gihun, Kah Che Poh, David Santi dan Yamin Ali, di mana mereka masing-masing menerima hadiah wang tunai bernilai RM300, RM250, RM150, RM100 dan RM80.

Kategori Veteran Wanita menyaksikan pemenang tempat pertama hingga kelima masing-masing disandang oleh Hasni Salagan, Shoihi Gandihan, Kristina Drahmah,

Esther Perng dan Lena Masni untuk membolehkan masing-masing pulang dengan hadiah bernilai RM250, RM200, RM100, RM80 dan RM50.

Kategori remaja lelaki menyaksikan lima peserta terpentas masing-masing disandang oleh Jomón Papau, Jerome Sopitin, Mexron Jasli, Delbert Rubidi dan Safik Jahaya, sambil kategori remaja perempuan masing-masing disandang oleh Dewanty David, Weilah Rubidi, Erristiana Joel dan Magdalena Masantu.

Lima kedudukan terbaik untuk kedua-dua kategori itu masing-masing menerima RM200, RM150, RM100, RM80 dan RM50.

Pengarah Unit Sukan UMS Mohd Asyraf Fong Abdullah merakamkan penghargaan kepada semua peserta diatas sokongan yang begitu memberangsangkan untuk menjayakan larian itu.

"Larian ini berjaya menarik kira-kira 1,000 penyertaan," jelas beliau ditemui semasa majlis penyampaian hadiah.



HARUN (belakang tengah) dan **Asyraf** (kanan) bersama para peserta yang menjuarai kategori masing-masing pada Larian Eco Campus UMS-Carino 2014.